

17956.

Q. F. F. S.
Dissertatio Philosophica
De
VARIETATE
INGENIORUM

Quam
Suffragio Venerandi Collegii Philosophici,

PRÆSIDE

VIRO CELEBERRIMO

OLAO HERMELIN,

Eloq: & Poes: Prof: Ord:

In Gustaviano-Carolina ad Emmam

Academia

Publico placidoq; examini modeste
submittit

S:^æ R:^æ M:^{tis} Alumnus,
JOHANNES ÖRN / Uplandia Svedus.

Ad diem 29. Maj A. M. DC. XCV.
In auditorio majori horis ante meridiem solitis.

DORPATI,
Excudit JOHANNES BRENDEKEN,
Acad. Typograph.

A 107 H. 2.

Mons: Hinwell

Est. 14256

i.31342589



bonum coniunctum: duplo ut ordine
fisi, ad usum motuum lemnis, per mutationes

§. I.



Uli insignem istam in
animis mortalium varieta-
tem considerat, non immerito ad-
mirabundus quæret, unde origi-
nem suam ista traxerit. Scimus
utiq; omnes in universum homines ab eadem
stirpe prodiisse; videmus externam in iisdem
membrorum figuram nihil admodum discrepa-
re: at in ingenii quantam deprehendimus dif-
ferentiam? Qui unam feram noverit, non dif-
ficulter de reliquis ejusdem speciei judicabit, quas
simili & uniformi motu ferri experientia testatur.
Inter homines tantum abest, ut idem reperiatur,
ut miraculi instar habendum sit, candem in duo-
bus indolem, eandem animorum morumq; con-
spirationem inveniamus. Admirabilem hic es-
se summum naturæ artificem quilibet fateatur,
necessile est, qui tot diversos ingeniorum habitus

A

effor-

estiformavit, eademq; tot diversissimarum inclinationum capacia finxit, ut vastum hoc orbis theatrum immensum ejus sapientia lucheret distingueturq;. In causas hujus varietatis hac dissertatione, quantum instituto meo conveniar, inquirere potissimum constitui: quod ut ordine fiat, de ingenii notatione pauca præmitenda sunt.

ni misli men. S. II. iij

Ingenium eandem radicem sibi vendicat, ac Genius, nempe verbum antiquum Geno sive Gigno, nec diversam adeo habet significacionem. Recens enim genitis Genios sive daimonias quasi perpetuos comites a Diis magnis datos esse rediderunt veteres. *Hi quoq; Apparitores & ministri superiorum* (*a*) dicti sunt, quod essent his sublunaria curæ, quodq; interpres pro rebus humanis ad Deos referendis agerent. Horum præsides fuerunt Dii majores: qui ut rarius in terram descenderunt; Sic illi saepius in terris versantes, hominum negotiis interfuerunt (*b*). Duos autem nobis cum Genios nascit tradiderunt, unum, qui hortatur ad bona; alterum, qui depravat ad mala; quia quum unusquisq; genius fuerit, ei statim observatores deputantur, qui-

(*a*) Kipp. Antiq. Rom. I, c. I. §. 2. (*b*) vid Camerat. cent. 2. c. 14.

bus assistentibus, post mortem aut asseritur in vitam meliorem, aut in deteriorem condemnatur. Alii Genios quidem singulis adesse existimant, Sed non nisi bonos, sicut ex Menandri versibus adparet. (*v*)

Ἄπαιτι δάιμονας ἀρδεὶ συμπαρίσταται,
ένδης γερουσίας ματαγωγὸς τῷ βίῳ
ἄγαπος, κακὸς γὰρ δάιμον εἰ νομίζεται,
εἴται, βίον θάλπτοντα χερσὸν. i. e.

Unicuiq; Genius assistit, simul atq; natus est, qui ei sit ductor vita bonus malum enim genium non est existimandum esse, qui vitam lœdat bonam,

Hos existimant Genios ne puncto quidem temporis à nobis abesse, sed statim ab utero materno ad extreum vitæ halitum nos comitari; sed eos nunc forma serpentis, nunc juvenili aliave eos fingebant, ut satis constat ex veterum numismatum inscriptione Trajani, Adriani & Deo cletiani. (*d*) Hinc magna cum veneratione Geniis sacra instituebantur.

S. III.

Saniores veterum facultates ipsos adpellant, eosq; omnem vim animæ occupare autemant; quin & genium ipsum animum esse, qui

A 2. haud
(*v*) adiud Clem. Alexandr. Strom. 5. (*d*) vid. Cam. I. cit.

haud aliter ac Deus quidam, corpus humanum regit ac gubernat, & ad coelestia ac altiora incitat atq; extollit. Hinc Apulejus: quodam significatu ^E animus humanus etiam nunc in corpore situs, demon nuncupatur: Dii ne hunc ardorem mentibus addunt Euryale? an sua cniq^s Deus fit dira cupido? Igitur ^E bona cupido animi bonus Deus est. (s) quod fusius Plutarchus explicat in libro de Genio Socratis. Atq; ita non aliud erit discrimen inter genium & ingenium, nisi quod ille in genere mentem humanam significet; hoc vero peculiarem quandam illius indolem & ad certum quid inclinationem. In hoc significatu eadem vim habet cum voce naturæ & Minervæ. Quo pertinet Horatii dictum: (t)

Naturam expellas furca, tamen usq^s recurret.
Atq; illud juvenalis (n)
Ad mores natura recurrit

Dannatos, fixa ^E mutari nescia.

Sic invita Minerva aliquid fieri dicimus, cum ingenio repugnante, aliquid tentatur. Namq; ut Genii actionum humanarum moderatores censebantur; Sic Minerva ingenii præesse illisq; solertiam & Sapientiam largiri

§. IV.

(s) Apul. de Deo Socrat. (t) Hor. I. 10. epist. (n)
Sat. 12. juven.

§. IV.
Ceterum ambiguum est vocabulum, & non raro videtur sumi pro artibus, quæ ope ingeniorum addiscuntur. (o)

Ingenium magnum livor detrectat Homeri
Item

Ingenium quondam fuerat pratirosus auro.
Interdum pro vi diserte loquendi, & quavis facundia, quæ ingenio potius, quam arte alienus disciplinæ comparatur. Claudianus: (p)

Quæ docta facultas

Ingenii, lingueq^s, modus, responſa verentur
Legati.

Deniq^s est vis quædam insita, indoles & natura cuiq^s rei: atq; tunc rebus quoq^s inanimatis tribuitur. Sic ingenium soli, loci, herbarum, aliarumque rerum passim apud auctores occurrit.

Terentius: (q) *Soles vobis vobis*

Qui cum ingenii conflictatur ejusmodi, id est hominibus ad hos mores, hæc studia propensis. Sic livius: *Volscis suum redit ingenium* (r) hoc est, Sui mores, ad quos naturali quadam propensione inclinarunt. Atq; eodem sensu

A 3 nobis

(q) Ovid. remed. amor. vi. 365. E. Amor. 3. eleg. 8.

(r) Clau. de IV. Cons. Honorii. (u) Terent. And. I. I.

(s) Livius 2. 22.

nobis hic loci accipitur, adeo ut ingenium sive
quædam animi inclinatio, qua homo ad certum
Studium & vitæ genus præ reliquis sequendum
impellitur

§. V.

Animorum vero inclinationem non unam
omnibus & candem esse, sed maximè dissimilem,
si singulos homines consideremus, certum erit.
Unicuique sua concessa reperietur indoles; unicuique
suum amor, quo maxime capitur trahitur
que. Et quamvis mortales adeo non sint con-
stantes, quin diversimode mutari possint, nescio
tamen, qui sit, ut insitam hanc naturæ vim ægre
mutare, aut dissimulare valeant. Itaque non sim-
plici & uniformi cupidine omnes agitantur, sed
multiplici, & variè inter se mixto. Atque ut
in corporibus magnæ sunt dissimilitudines; (as-
lios enim homines veloces, alios viribus pollen-
tes videmus; quosdam dignitas, nonnullos ve-
nustas ornat) Sic & in animis non minores exi-
stunt varietates, adeo ut inter homines conspi-
ciantur, quot capita, tot sensus, & suum cuique
pulcrum. Unius ejusdemque regionis homines,
eodem etiam tempore, diversis sunt moribus,
diversisque ingenii. Alii stupidi, alii subtile &

sapien-

sapientes: hi generosi & magnanimi, alii timi-
diores: isti crudeles, illi mites: hi teuti ac simu-
latores, illi aperti candidi: hi veredici, illi
mendaces: hi perfidi, illi fideles: hi constantes,
illii leves: hi inquieti, alii sedati: hi sordidi, alii
liberales: alii verecundi, alii audaculi & proje-
cti pudoris. Sic alios alia delectant: sunt qui-
dam gloriae & potentiae avidi: alii opibus inhila-
entes: Alii Sanctimonia vitæ conspicui. Non-
nulli amore literarum capiuntur: alios certami-
na honorum, plurimos castrajuvant. Hæc exo-
si, laudant sua rura, alii suas merces magni fa-
ciunt. Ita (μ)

Velle suum cuique est, nec voto vivitur uno
Adpositæ alibi differentiam inclinationum nobis
aperit Horatius (γ)

Sunt quos curriculo pulverem Olympico
Collegisse jucvat: metaq; fervidis
Evitata rotis, palmaq; nobilis
Terrarum Dominos evehit ad Deos
Hunc si mobilium turba Quiritium
Certat tergeminis tollere honoribus:
Illum si proprio concidit horreo,
Quic quid de lybicis verritur areis etc.

§. VI.

In integris quoque nationibus diversita-

(μ) Pers. sat. 5. (γ) Hor. I. od. 1.

rem ingeniorum non exiguam cernere licet; qua à reliquis populis in primis discrepant. Sic Asiatici ad mollitatem & luxuriam proclives censemuntur: Afri astutæ & fraudibus dediti: Europæ, audaces & manu prompti reperiuntur. Hos etiam ipsos non minus ingenios, quam linguis, diversos esse, deprehendet, qui Gallos cum Hispanis, Germanos cum Sarmatis, cum Italib[us] septentrionales populos conferre voluerit. (o) Quin secula pene singula suum genium a ceteris diversum habent, qui mortalium animos in certa studia inflectere solet. Quædam enim ætas hominibus virtute & Sapientia præditis, abundant: aliæ feralibus tantum armis excercentur: mox omnia in quietem componuntur. Nunc regnum, nunc rerum publicarum in populis amor; nunc veluti in barbariem homines nasci, deinde facilioribus animis mansuescere & post secula aliquot ad stipatum prima caligine ingenium redire deprehenduntur. Documento nobis erit imperium Romanum, quod tot vices & casus brevi tempore subire coactum fuerit, ut in inumeros mutatum sit vultus. Elegantissimus Barclajus (π) putat spiritum illum, qui singulis nationibus proprius, recens genitis patriæ studium & cupiditates ingenerare: Verum uti

(o) vid Bard. icon. Arim. cap. 2. (π) vid. id. loc. cit.

utii iidem cibi, pro condientium arte, saporem mutant, sed interna vis alendi nullis blandimentis in totum corruptitur; Sic in omni gente per æstus succendentium seculorum, mores animosq; mutantum, hærere quandam vim inconfusam, quam pro conditione terrarum, hominibus, in quibus nasci contigerat, sua fata divisorunt. Quædam enim gentes audaces, quædam timidæ, in vinum & venerem aliæ proclives: illic pingues gravesq; animi, quasi specie arcanæ sapientiæ tristi superbia ferociunt. Alii in mutationem proni: apud ceteros placari non potest ultionis ingenium. In quibusdam simplex fides, in aliis acumen ingeniorum elucet. Profecto certis regionibus peculiares quosdam affectus insitos & nunc & semper eodem modo suisse cernimus.

§. VII.

In causas hujus ingeniorum diversitatis inquirentibus, non minus diversæ occurunt opiniones: illas tamen nunc in naturales & morales distinguere lubet, ut pro ratione instituti examinemus, quid roboris utrisq; insit. veterum plerique cœlo ipsi hanc vim tribuisse reperiuntur, adeò ut quemadmodum illud mite vel rigidum fuerit, ingenia quoq; perinde efformentur. Per cœlum autem ipsam aëris temperiem

intellexerunt, qui per spiramenta corporibus se-
se insinuans, non corpora tantum varie afficit,
verum & animos intima illis unione conjunctos.
Ex innumeris hanc sententiam foventibus, pau-
cos tantum adferre operæ pretium est. Tacitus:
positio cœli corporibus habitum dat. (e) Florus:
Alpina corpora humenti cœlo educata, habent
quiddam simile nivibus suis: qua mox ut caluere
pugna, statim in sudorem eunt; & levi motu,
quasi sole laxantur. (σ) Atq; hoc quidem de cor-
poribus neq; aliter de ingenii statuerunt. Idem
proxime citatus de Gallis ita pronuntiat: Nihil
hac plaga infestius. Atrox cœlum, perinde inge-
nium. (τ) Adparet idem ex illustri de vetustate
originis contentione, quæ olim Scythes inter &
Ægyptios erat: ubi illi temperamentum cœli
nullum esse vetustatis argumentum putabant,
sed quanto Scythis sit cœlum asperius quam Ægyp-
tiis, tanto & corpora & ingenia esse duriora. (υ)

§. VIII.

Sed istos historicos fuisse dices, quorum in-
stitutum erat seriem rerum gestarum tradere;
indolem autem hominum non nisi leviter in-
spexisse, & ex causa maxime obvia judicasse. At-
qui Summos philosophos, & rerum naturalium
scruta-

scrutatores diligentissimos in eadem sententia
fuisse invenio. Hanc fovet ipse Aristoteles, qui
nimio cœli calori & frigori tribuit, quod homines
efferis sint moribus. (Φ) Eos quoq; qui sub septen-
trionali axe degunt, fortitudine & audaciâ polle-
re, australiores cor habere timidum, Avienna di-
cit. (χ) E recentioribus Neohusius, postquam di-
versas cœli plágas, earumq; naturam descripsi-
set, subjicit: Ex hoc fonte pro molientis naturæ
conatu, omnis est ingeniorum diversitas. Hinc
alii alios non provisa dicendi consulendiq; promi-
tudine, invicta earundem rerum diligentia, sim-
plicis animi integritate, armorum peritia, invictu-
& venere continentia, in bonarum artium disci-
plinis solertia præcellunt. (ψ) Atq; ne plures testes
hic accumulem, omnes fere in eo conveniunt,
populos ad Arcton spectantes nullo quidem inge-
nio valere, cæterum animosos esse, periculorum
contëtores, & in mechanicis industrios: Australes,
& qui propiore solis æstu incalescunt, sicut acumi-
ne mentis excellunt; ita timidos esse & molles,
& vasritiæ deditos: eos deniq; qui neq; æstu ni-
mio torrentur, aut frigore, sed moderata cœli
temperie fruuntur, salubrem quandam ex utrisq;
misturam habere. Lubet adferre Bodini in hac
re sententiam: Ergo inquit, media regionis popu-
li plus

(ε) Tacit. Agr. 2. (σ) Flor. 2. 4. (τ) id. 3. 2.

(υ) Just. 2. I.

(Φ) vid Aris. sect. 14. probl. 1. (χ) Avien. lib. 1. can. 2.
(ψ) Neobus. Theat. ing. 1. 16.

li plus habent animorum ac ingenii, minus tamen
roboris, quam qui ad septentriones: sed corporibus
validiores sunt, quam Australes, à quibus ingenio
quidem, non tamen animorum vi ac fortitudine
superantur. (a) Quod ante cum Aristoteles quoq;
tradidit. (a)

§. IX.

Rationes hujus effati tales adferunt, quod
in regionibus ad Borcam accedentibus frigidior
aer corpora ambiens, poros & spiramenta ea-
rundem compingit, obturatq; ob hanc vero an-
tiperistasis & obstructionem calor ad interiora
se recipiens, placide fovetur, ventriculi avidita-
tem solicitat, & cibos largiter ingestos facile con-
coquit & digerit. Hinc copiam sanguinis nasci
necessa est, qui homines quidem corporibus ro-
bustos, animosos ac hilares reddit, sed quod mi-
nus perspiratus sit, mente hebetes. Quam vero
recte haec disputantur, jam non examinabo. Con-
tra ea, quæ gentes meridionale implagam colunt,
ob circumstantem calorem laxiores poros ha-
bent, quibus internus humor & calor liberius ef-
fluens, copiosam bilis atræ materiam relinquit,
quæ homines speculationibus, & artibus variis
aptos reddit. Hi tamen ob defectum caloris na-
turalis, ad tristitiam magis dejecti sunt, & eas a-

nimi

(a) Bod. rep. 5. 1. (a) Aristot. pol. 7. 7.

nimi affectiones, quæ hanc seqvuntur: atq; ut
magna circumspectione utuntur; ita ad timorem
procliviores, periculis temere se non objiciunt.
Sic quoq; imminuto calore, & humore simul
depasto, non magnus cibi adpetitus in ventricu-
lo excitatur, nec magna sanguinis copia progi-
gnitur, qui nimiam vaporum affluentiam ad ce-
rebrum mittat. Quæ causa etiam est, quod
deficiente succo, quo corpora nutriantur, tales
evadant macilenti & strigosi. Hinc enatum est
Casari acumen, qui conspicatus Antonium, nul-
tam ab illo, sed ab Australi Bruti Cassiq; macie
vim sibi metuendam iudicavit, in obesis vastisq;
corporibus minimum habitare calliditatis arbitrat⁹.
(b) Cæterum hæc accipienda veniunt de iis, qui in
regionibus ad Zonastemperatas proprius acceden-
tibus habitant. Nam excessus caloris aut frigo-
ris, langvidiores & animo & corpore producit
homines: quod intensius frigus non tantum exte-
riores corporis partes exsiccat, verum & vi suam
intima corporum carne denudatorum penetrans,
calorem debilitat; sicut excedens fervor & humo-
rem ebit, & meatus adiustione constringit. (y)
Hinc itaq; pro temperamento corporis varios ani-
morum mot⁹ & inclinationes excitari autuant.

B 3

§. X.

(b) Plutarch. apoph. (y) vid Claram. de conject.
morib. 2. 1.

§. X.
Aliis placet non ocelo tantum, verum & ipsi solo, in quo homines nascuntur aut degunt, hanc in variandis ingenii vim assignare. Hinc Curtius: *Ingenia hominum, sicut ubique, apud illos quoque locorum situs format.* Et alibi: *locorum asperitas ingenia quoque duraverat.* (8) Imo terram plerique majoris in formandis ingenii efficaciam esse multi contendunt: sub qua conditiones ejus varias, ut aquas, maria, lacus, fontes, fluvios, montesque; comprehendunt. Considerant quoque, an eadem campestris sit vel sylvis ac montibus aspera; humida vel sicca; foecunda vel sterilis. Ut enim in salo nati pisces, saltem referunt; ita ad patris regionis spiritum homines effungi credibile est, & in illas rapi plerumque animorum impetu cupiditates, quas natali solo natura ingeneravit. Itaque qui in feracibus regionibus colunt, opulentia & glebae fertilitate in luxuriam & mollitatem soluti reperiuntur. Quum Persae rerum potiti, postularent, ut ex aspera regione, quam tum incolebant, transferrentur in commodiorem ac feraciorem, annuit quidem Cyrus, sed admonitis, ut posthac sese pararent ad serviendum, non ad imperandum. Ex molibus enim regionibus molles homines na-

(8) Curt. 8. 9. & 7. 3.

sci solere. Nego, enim ejusdem terra esse, fructum egregium producere, & viros in re bellica præstantes. (9) Tales quoque, omnium rerum proventu & divitiis abundantes, insolescere solent. Contra ea, sterilium locorum incolae, laborum tolerantes, & variarum artium inventores celebrantur, defectum patrii soli industria & diligentia compensare coacti. Sic Attica maligna frugum nutrix erat, non item bonarum artium, quæ ex illo seminario in omnes orbis partes se diffuderunt. Hodie Noricorum urbs sterili sita solo, arte & industria opificum commendatur. Campestres ut corpora, ita ingenia languardiora habent, nisi ubi ventorum vehementia, quæ in planis & apricis locis major est, ea exacerbat: montani ardui fere sunt, ad labores robusti, & ad militaria munera consuetudine quadam vitae obdurati. In udo ac paludo solo obtusa ingenia producuntur, ob exhalationes, quæ cerebrum abundantia vapore perfundunt: in siccis aridisque regionibus asperiora & in iram prona. Maritimi feroce sua natura & immites sunt: insulares mobilitatis, & perfidiae virtus plerumque laborant. Utrique ad piraticam proclives.

§. XI.

Itaque in prædictis regionibus cum has fer-

(9) Herodot. in calce lib. ult.

me animorum inclinationes reperiri experientia
deprehensum est; non dubitarunt docti præci-
puam causam ex ingenio locorum accersere.
Ita enim Neohusius: *Ad patriam terre indolem*
nascitur homo & componitur, pro genitali illa au-
ra habitu animi confirmato. Igitur cui cordi com-
modoq; est, adgenitam morum habitudinem, &
animorum in hominibus indolem prædiscere, pa-
trios ille regionum spiritus, & locorum, in quibus
nasci contigit, cultum exploret, illa virtutum viti-
orumq; prima sunt incubacula & fomenta. (e)
Non in diversum abit Claramontius, qui ex dis-
simili solo variis elevari vapores colligit, eosq; spi-
ritibus generandis variam materiam exhibere; spi-
ritus autem sua varietate ad diversos inclinare
mores. Longam deinde regionum seriem sub-
texit, ex quarum diversa qualitate hanc ingeniorum
differentiam probare nititur. (i) Huc quoq;
referunt cibi potusq; qualitates; quæ ut diver-
se sunt, ita humores in massa sanguinea elati,
varios animorum excitabunt motus. Affirmant
enim medicorum filii quædam esculenta plus
sangvinis, alia bilem, melancholiam, pituitam
generare apta esse: unde temperamentum ho-
minis progigni necesse est, vel insigniter augeri.
Sic certis potulentorum generibus, & quibus-
dam

(e) Neobus. p. 297. (i) Claram. 3. 3. §. 4.

dam fumis sanguinem & spiritus impelli, & tur-
bari videmus; unde ad libidinem in primis, i-
ram, temeritatem, & enormem lœtitiam morta-
tales proclives redduntur. Et callere mulieres
Batavas, quo potissimum vino in caupona viri
se ingurgitarunt, traditur: Si enim amplexus
offerunt, domum reversi, flore Rhenani aut a-
lius generosi aspersos conjiciunt; tumultuantes
autem & verbera intentantes vilioribus poculis
se invitasse. §. XII.

Quidam proprius hanc ingeniorum diver-
situdinem sibi videntur detexisse, qui non alteru-
tram horum causam statuunt, sed soli cæliq; si-
mul naturam considerant. Si enim animo con-
cipiuntur duæ campestres regiones, quarum una
rigido septentrionis axi subjacet, altera ad meri-
diem proprius spectat, utiq; inter utriusq; incolas
ingens erit discrimin. Nam ut illius terræ ha-
bitatoribus ii animorum habitus ingenerantur,
quos supra in illis deprehendi expositum est; ita hi
in contrarias affectiones propendere dicendi
sunt. Proinde necessum est, ut ad cœli posi-
tionem ratio quoq; terræ habeatur, quo con-
stet, quantum hæc duo conjuncta mores forma-
re valeant, & variam in animis mortalium incli-
nationem progignere. Atq; hoc pacto ubi tel-
lus cultu aspera est, & cœlum insuper frigore

riger, ferocibus ingenii & arduis moribus homines producentur: ubi vero mitis coeli est temperies, & uber gleba, languescit omnis animorum impetus. Quo forte respexit Tacitus, cum de Mattiacis, Germanorum populo, scribens, dixisset illos ipso adhuc terrae suae solo Ego calo acris animari. (1)

S. XIII.

Sed neq; Astrologos sicco, ut ajunt, pede hic præterire fas est, qui immane quantum in hac controversia sibi arrogant, ex siderum positura omnem hanc ingeniorum diversitatem profluere contendentes. Cælum in quatuor triangula dispescunt, quorum singulis certa Zodiaci signa attribuunt, quæ rursus a planeta dominante cum socio suo reguntur. Sicut vero illis totidem in terra plagæ respondent; ita earum inhabitatores ad siderum naturā, quibus suppositi sunt, temperamenta & mores sortientur. (2) Atq; hoc quidem ad integros populos pertinet: prout autem planetæ, domos singulas, quas duodecim in cœlo finixerunt, adeuntes, affecti fuerint; Sic diversas in hæc sublunaria operationes habebunt, infantemq; cui tunc contigerit nasci, sua indole imbuent. Verum hæc vana esse jam dudum à cordatis demonstratum est. Præterquam enim

quod

(1) Tacit. Germ. 29. (2) Ptolemaeus lib. 2. c. 2. de judic.

quod hæc prædictiones in verbo divino damnantur; etiam ipso eventu sæpius refelli, quam confirmari, eas constat. Neq; majorem hic quam in tempestatibus prænuntiandis fidem merentur, quas contrarias iis, quas prædixerant, sæpius evenire experientia testatur. Proinde non facunde minus, quam falso sumivendum astrologum Nicopompus apud Barclajum exagitat: Hanc ego vanitatem ineptia Ego stoliditate præcipuum dicerem, nisi supra hac nomina peccaret. Peñima superstitionis ingenium est. Quo libertas enim mortalium, si à præscripto siderum non possunt recedere? Curem ego valetudinem, me honores sollicitent, vitia abjecere cogitem, animum ad virtutes adpellere: si nascenti dictum est, quid me esse oporteat? jacturam humanæ libertatis deploro? Etiam Deorum munus perit. Amplius thura non perdo. Deos nec timeo, nec ambo; si non possunt, aut nolunt, quod de me est statutum, inflectere. At pro nascituris liberis scilicet orabimus, ut propitia astra habeant. (3) Plura his addere non libet, si quidem docti deprehenderunt vanissimam hanc artem, si modo ars dicenda sit, non quæstuum potius compendium, à superstitione eorum profectum, qui Deos astra esse putarunt, & proinde potestatem in mortalium actiones excerce-

C 2

re. In-

(3) Argent. lib. 2.

re. Infirmis valde fundamentis innititur, ex quibus, quid astris sit tribuendum, demonstrari posse vix concedendum videtur.

§. XIV.

Enimvero quid de rationibus, quas hactenus attuli, sit sentiendum, paucis me expediam. Ac primum quidem in tantum valebunt, ut non exiguum cœlo soloq; vim incesse putem, ad temperamenta corporum formanda, & peculiares inde inclinationes in animis hominum excitandas: verum quo minus eadem generalem omniū affectionum causam statuam, alia quædam impediūt. Si enim hoc verum esset, in omnibus sub eodem cœlo, in eadem regione viventibus & educatis, eadem quoq; indoles, & ingeniorum habitus reperiretur. Jam vero cum non tantum in eadem regione, verum & in una familia, diversissimis, & longe inter se discrepantibus ingeniosis producuntur homines, quis non aliam hujus diversitatis causam subesse intelligat? Cur populus, qui terram aliquam olim inhabitavit, dissimilissimis moribus ab illo est, qui hodie eandem tenet? An cœlo soloq; virtutem pristinam detractam esse aut mutatam credemus, quo minus eosdem animorum motus inspirare valeant? Et quam rationem hujus debilitatis aut mutationis adferemus? Oculos saltem retorquemus ad prisca secula:

secula: qui rigor animorum, quæ morum asperitas plerasq; Europæ gentes obsidebat? quæ tamen nunc, isto vita genere mutato, mitissimisq; ingeniosis conspicuntur. Hæc omnia qui æqua lance pensitat, non poterit hinc totalem hujus varietatis causam accersere. Quod autem de cœlo statuimus, ad astra quoq; extendimus, præsertim solem & lunam, quatenus influentiis suis corpora mortalium varie afficiunt: nam reliquis, quæ ob remotiorem distantiam ad nos atmosphæra sua vix pertingunt, aliquam quoq;, ut supra dictum est, operationem in hæc sublunaria largiri non tutum erit.

§. XV.

Itaq; si nihil aliud superveniret, faterer cœli atq; loci positionem magnæ efficacij fore in ingeniosis hominum formandis: cum vero iidem libero gaudent arbitrio, & diversis institutis a pueritiâ imbuuntur, adparet causas has naturales non separatim, sed simul cum aliis esse cōsiderandas. Bene igitur Bodinus monet: Non modo cœli naturam ac regiones universas, sed etiam singularia & regionis cuiusq; propria, intueri oportere; quid ab aquis, quid ab aëre, quid a montibus, quid a vallibus, quid a ventorum natura, quid a religionibus, quid ab institutis, quid a disciplina, quid deniq; ab ipso statu reipublicæ in ani-

nimis cuiusq; ingenerari possit. Nam qui ex eodem cœli tractu mores eosdem judicare volet, sape labi necesse est (u). Huc quoq; referenda est organorum varia dispositio, quæ prout apta vel minus fuerint ad operationes animæ suscipiendas; ita homo ad nonnullos motus prä aliis naturali quadam inclinatione magis feretur. Varietas enim Spirituum animalium, per quos multæ animæ functiones expediuntur, non tantum ex diversis materiis oritur, verum & ex varia organorum figura: unde fit, ut cum & impari copia & qualitate iidem influant, & peculiari determinatione agitati hunc nervum potius subeant, quam alium, diversos sensus quoq; in anima excitent. Sed juvat in hanc rem Cartesii verba adscribere: *Hæc inæqualitas*, inquit, procedere potest ex diversis materiis, ex quibuscompositi sunt, (Spiritus animales;) ut in iis, qui multum vini biberunt, videmus vapores illius vini ingredientes citissimè sanguinem, adscendere ex corde ad cerebrum, ubi in spiritus convertuntur; qui fortiores cum sint & copiosiores iis qui ordinario ibidem sunt, corpus plurimis miris modis possunt movere. *Hæc inæqualitas* spirituum potest etiam procedere ex diversis dispositionibus cordis, jecoris, stomachi, lienis & aliarum omnium partium, que adeo

(u) Bodinus de rep. s. I. p. 817.

adeorum productionem aliquid faciunt (v)

§. XVI.

Causis naturalibus, quatenus tempus & propositum meum ferunt, ita delibatis, ad morales nunc properandum; inter quas *educationi* primum locum non immerito assignavero. Tanta enim ejus vis est, ut prout illa prava rectave fuerit, indolem quoq; perinde flectat, adeoq; prima quasi semina instillet inclinationis istius, quæ per insequentem vitam fixa insidere videtur. Non ferox adeo ingenium est, quod justa disciplina non mitigescat; non demissum adeo, quod diligentia institutione non efflorescat, & soporem illum executere aliquo modo valeat. Contra ea vividas erectasq; sape mentes, cum sibi relinquuntur, incultu silvescere & quasi emori videmus; multas etiam ea vitia sibi ex perversa educatione attraxisse, quæ innata illis fuisse non unus deinde suspicatus est. Itaq; non male quidam ingenium humanum tabulæ rasæ assimilarunt, cui quodcunq; placet, inscribere licet; aut etiam ceræ, quæ, dum mollis est, fingentis manum in quamcunq; imaginem sequitur; ubi vero obduruit, difficulter tractatur. Non aliter educatio rudibus puerorum animis omnem facile formam induit, quam nulla posteri temporis ætas oblitteret & ex-
pun-

(v) Cartes. pass. §. V.

pungat. Hoc ut civibus suis persvaderet Lycurgus, Spartanorum ille legislator, duos ex iisdem parentibus catulos, alterum ad venationem, ad ingluviem domesticam alterum, educari jussit. Utrumq; deinde cum in forum coram populo produxisset, ollâ carnium hic adposita, illuc lepore emissio, venaticus in feram, in dapes alter prono cursu ferebatur. Conversus ad populum legislatur, *Videtis*, ait, *Spartani*, quantum sit in educatione positum ad formandos mores momenti.

(ξ) Non dissimulavit hoc Socrates, qui cum ex corporis lineamentis quidam salacissimum & summæ improbitatis illum argueret, dixit s' tam futurum, nisi naturam disciplina correxisset.

(ο) Quo etiam referri potest, quod Vegetius de militibus olim pronunciavit: *Paucos, inquit, viros fortes natura procreat: bona institutione plures reddit industria* (π)

§. XVII.

Proxima inter causas morales educationem excipiat consuetudo, quā propterea distinctam hic ab illa facio causam, quod hæc assidua excertatione comparata, habitum quendam inducat; educatio vero non firma adeo sit, præterea ab aliis nobis adhibetur, nec in nostra potestate sit, qualis

(ξ) Plutarch. *educ. puer.* (ο) Cic *Tusc.* 3.

(π) *Veget.* 1.3.

qualis illa sit futura. Interea eandem saepè virtutem exserunt in moribus formandis, & ingenii ad certas quasdam actiones inclinandis. Quam enim actionem quis frequenter repetit, non potest fieri, quin proclivitatem quandam tam animæ, quam corporis facultatibus, imprimat ad eam deinceps iterandam, quamvis initio fortassis odio talem habuerit. Hinc non immerito consuetudo altera natura à quibusdam appellatur; immo tantæ est efficaciæ, ut tum naturam tu educationem non parum confirmare aut labefactare valeat. Proinde cum gentes quasdam ad certum actionum genus propendere aliqui conspexissent, non dubitarunt dicere eas naturali quodam affectu eo duci, cum tamen re vera ex consuetudine hoc trahant. Sic Asianos servili animo esse multi tradiderunt, quod regum imperium & tributa sibi imponi libenter passi sunt; at non minus quis dixerit eos ita consueuisse, & a majoribus in eodem statu institutis hoc accepisse; unde *Svetus Regibus oriens apud Tacitum est* (ε) Nulla gens Græcis magis libertatem amabat; at iudeæ vestigalia non iniquo animo pendebant, quia ira assueti erant. Hinc de iisdam Cicero: *Ac primus Gracis id, quod acerbissimum est, quod sint vestigales,*

(ε) Tacit. *hist.* 4. 14.

non ita acerbum videri debet, propterea quod
sine imperio populi Romani ius institutis per
se ipsi ita fuerunt (σ) Novimus & populos quos-
dam asperos & laboriosos audire; quod tamen
non tam a natura habent, quam ipsa consuetu-
dine; quod terram inhabitantes sterilem & ma-
lignant, necessitate quadam ad labores, quibus
vita toleretur, adiguntur. Unde evenit, ut po-
stea difficulter ab iisdem cessare possint.

§. XVIII.

Postremo certum vitæ, studii, commerci-
orum genus, leges, religio, fortuna, disciplinæ
immane quantum ad indolem hominum corri-
gendarum flectendamq; valent! Sic quibus res vi-
les veneunt, plerumq; sordida avaritia inquinan-
tur, in naturam hoc vitio abeunte. Qui literas
tractant humaniores, easq; disciplinas, quæ pro-
ximè huc accedunt, mites induere mores cernes,
tum prudentia valere, & sublimes agitare cogita-
tiones; ad rixas vero proniiores evadere, qui tricis
expediundis, componendisq; litibus ætatem im-
pendunt, præsertim si temperamento corporis co-
incidentur. An vero mutuis commerciis ex par-
te non tribuendum, quod populus quondam ru-
dis & horridus hodie cultissimis reperiatur mori-
bus? Superstitiosos aut Deorum justo metuentes,

unde

(σ) Cicer. ad Quint. frat. de prov. cap. 18.

unde nisi a natura religionis, provenire putabi-
mus? De fortuna & sorte vivendi quid dicam?
Quot enim ad ingenium rectum ac mite geniti, vi-
tio nimia felicitatis ipsi suam indolem affixerunt?
Quot mentium lata sublimitas, & si fortuna sine-
ret, in exemplum omnis virtutis suffectura, ubi
pertinaci egestate, aut fortune iniquitate premitur,
sua præstantia oblita, etiam in contrarios affectus
degenerat? (τ) Sic nobiles magnos animos gerunt,
& humiliores, aut obscuriori loco natos, alto su-
percilio contemnere solent: Divites opibus suis
turgidi incedunt; & se quovis honore ob easdem
dignissimos putant: Fortunati, & quibus ex voto
omnia fluunt, plerumq; rebus secundis insole-
scunt: cum vice versa querula semper sit calamiti-
tas, invida quoq; & suspicionibus alendis apta.
scilicet,

Omnis, quibus res sunt minus secunda, magis sunt
nescio quomodo
Suspiciosi: ad contumeliam omnia accipiunt magis:
Propter suam impotentiam se semper credunt
negligi

Atq;

Omnibus nobis ut res dant se, ita magni atq; hu-
miles sumus (υ)

Sed prolixius haec nunc deducere non vacat, cum

D 2

ex iis,

(τ) Terent. Adelph. 4.3. & Hecyr. 3.3. (υ) Cicer. de fat. 4.

ex iis, quæ breviter traditæ sunt, constare potest, quantum naturales cause ad ingenia formanda faciunt, quantumq; iis vel detrahitur, vel adjicitur, ex causis aliunde supervenientibus. Concludo dicto Ciceronis: *Sed hæc ex naturalibus causis vitia nasci possunt: extirpari autem, & funditus tolli, ut is ipse, qui ad ea propensus fuerit, tantis vitiis avocetur, non est possum in naturalibus causis, sed in voluntate, studio, disciplina.* (¶)

§. XIX.

Postquam causas hujus varietatis ingeniorum exposui, tempus esset, ut eorum species & differentias delineare inciperem: sed hoc exacte persequi vix humanarum virium esse puto, cum tot diversæ indoles reperiantur, quot fere sunt homines: nihilominus generaliter nunc placet ingenia in *moralia* & *literaria* partiri; quæ multis iterum divisiones admittunt. *Moralia* appellō, quatenus certis affectibus subjacent, quibus animæ ad volendum ea incitari & disponi solet, ad quæ illi corpora præparant: isti autem affectus quemadmodum cum lege magis minusq; convenient; ita virtutum vitiorumq; nomina induunt. Quot vero numero sint, non consentiunt inter se auctores: eos tamen recenset Vossius atq; iterum Cartesius, quamvis alio ordine

(¶) *Vossius instit. orat. 2. 1. §. 3. Cartes. de pass. part. 2.*

ordine ac numero, quos & passiones animæ appellat (x) Sed observandum longe plures, quam pro numero affectuum species ingeniorum dari; siquidem quilibet homo non uno tantum affectu moveri, sed ex diversis aliquid magis minusq; participare potest: quo pacto insignis ingeniorum diversitas orietur.

§. XX.

Alio autem respectu ingenia dicuntur literaria, cum consideratur, quatenus ad bonas artes apta sunt. Atq; sic quoq; summa eorum erit varietas: quæ tamen ad quatuor reduci solent. Agmen ducunt ingenia levia & excitata, quæ extemporaneæ subtilitatis sunt; quæ quicquid ad oculos auresq; pervenit, statim percipiunt: verum in primo sæpe conatu elangescunt. Hi (verba sunt elegantissimi Barclaii) nec studio eloquentes, nec sapientes consilio; Sed tum deignum, cum loquuntur rogarunturq; philosophi aut oratores facti, possunt uno pretio cum mercibus estimari, quæ per se inanes ipso furo artificii imponunt. (¶) Itaq; tales homines in exili negotio, in lepida confabulatione, in dictis aliorum carpendis non parum valent: ubi vero res seria mentis robur postulat, torpent, nec negotio sufficiunt. Propterca vulgo gratiore sunt, qui sicutum hunc di-

D 3

scrne-

(x) *Icon. cap. 10.* (¶) *Morph. polyb. 2. 1.*

scernere non didicit: at prudentibus & judicio
subacto viris adulterina hæc merx non probatur.
Solent, inquit Morhofius, tali ingenio plerumq; es-
se prædicti, quos præcoces adpellamus, nam rara est
in illis constantia nisi singulari ratione & divini-
tus excitatum ingenium sit. (a) His opponuntur
tarda ingenia, quæ ad aliquid celeriter mente per-
cipiendum, aut promte & decore proferendum,
apta non sunt: sed quoniam pertinaciter rerum
contemplationi immorantur, assiduitate sua o-
mnem difficultatem superant longeq; præcipi-
tem aliorum velocitatem prævertunt. Dum e-
c. enim ista suarum fiducia virium aut nugaces in-
ceptias tractant, aut somno vinoq; dedita ad in-
certiam pessundantur, hujus indolis homines vi-
gilant, cogitant, incitantq; vim insitam & o-
mnem vitæ cursum in contentione animi studioq;
magnarum rerum impigro traducunt. Ideoq;
profunda scientiarum penetrant, & quicquid me-
ditantur, judicio subactum, curâq; expolitum re-
peritur. Ad civilia negotia idonei censentur:
& omnia in suo statu conservare magis, quam res
novas excogitare aut moliri solent. Sua non ni-
mis æstimant, nec intolerabili superbia aliis jacti-
tant, sed in modestiam compositi, humilitatem
sectantur. Quoniam vero talis sermone est im-
pedito,

(a) Morb. Polyb. 2. I.

pedito, & primo congressu minus placet, ex eo,
verba sunt Neuhusii, pensa atq; æstimata eruditio
vile plerumq; apud ignaros habet pretium; qui ex
prima magis fronte rem judicant, quam ex interiori
dignitatis recessu. Igitur difficulter emergit; &
nisi scripto aut largo familiaritatis usu, animi me-
lioris imaginem præbeat conficiendam, ægerrime
contemtum sui amolitur. (a)

§. XXI.

Media inter hæc illa ingenia sunt, quæ ab
utraq; in dole aliquid hauserunt. Nam ut agilia
ingenia impetu suo valent, tarda autem arte & la-
bore proficiunt; ita temperata illa mediocri labo-
re eximium quid præstant, cum ingenita vi & arte
simil sublevantur. Quibus hæc contigerunt, ad
bonarum artium disciplinas in primis facti viden-
tur, & sicut prompta & decenti oratione utuntur;
ita curâ adhibitâ, & post moram aliquam, validi-
ores semper existunt. Deniq; in quarta classe ab-
soluta ingenia censemur, quæ omnium sunt præ-
stantissima, & divino quodam instinctu excitata,
quibus instructi Heroes & seculorum illi phœni-
ces, in re literaria ea præstiterunt, quæ posteri stu-
pescant magis, quam imitentur. Tales quoq;
fuerunt maximorum imperiorum conditores, &
assertores religionis regnorumq;. *Absoluta hac
inge-*

(a) Idem.

ingenia, inquit Neuhusius, & divinis eminētia dotibus, pene supra humanae sortis fastigium assurgunt, & propinquā cognatione cœlestem incliti generis originem attingunt. (3) Quæcunq; est in levibus ingeniis sensuum acies & promptitudo; in gravibus solidi iudicij robur & firmitas, hic omnes humanæ perfectionis numeros habet, arte naturaq; in extremum virium suarum conatum annixa. Itaq; ad inveniendum expedita celeritate, ad penetrandum singulari acumine, ad deliberandum sapienti consilio, ad reminiscendum tenaci memoria valent.

§. XXII.

Alii pro quatuor in homine temperamenti totidem ingeniorum Species faciunt. Ac primum quidem in *Sanguineis* notant, quod sunt alacri & erecto animo, vino & epulis, eisq; quæ hæc sequuntur, dediti, humani & beneficii, in iram non facile præcipites; & si excedescant, sanguinis humiditate fervor cito restinguitur. Præterea habentur ingeniosi, & artibus discendis admodum idonei. Excipiunt hos temperatura *cholerica* affecti, qui ad negotia prompti quidem creduntur, sed impetu magis, quam consilio ferri. Ad hæc magnanimi, honorum cupidi, injuriarum impatentes, & qui subito

(3) Idem.

(3)

subito animi motu exardescunt. Præterea audaces sunt, aut potius temerarii. Atq; ut facile res percipiunt ob celerem mentis agitationem; Sic acumen & prudentiam in illis desideres. Tertiā classem *phlegmatici* constituunt, qui pituitæ immersi, nihil alii animo concipere, aut exsequi valent. Pigro torpore sensus obsidente, hebescit mentis acies, & corpus obesitate nimia grave, tarde ad omnes actiones movetur. Propterea otio magis, quam negotio delectantur, & somno in primis indulgent. Quod si ad iram commoveantur, quasi vinculo isto pigritiæ soluti, promptissime sensa animi proferunt. *Melancholicis* id accidere putatur, ut sint tristes, taciturni, Suspicaces, & solitudinis amantes: cæterum ad bonarum artium studia habiles. Insuper sunt propositi tenaces, & in rebus gerendis stabiles ac firmi. Ingenio deniq; sunt vafro, & qui semel irritati offensas alto animo premunt & maligne condonant. Atq; sere ita describuntur hæc temperamenta: (2) verum quis non intelligit plures in singulis gradus dari, & variis quoq; modis inter se commisceari? unde facile contingere potest, ut qui hoc temperamento dominari putatur, ob ejusdem cum aliis permissionem diverso prorsus ingenio prædictus reperiatur.

E

§. XXIII.

(2) Vid. *Sylvius in Schol. Salernit.* c. 88.

S. XXIII.

Quibus signis ingenia dignoscantur, ex antecedentibus partim constare potest, partim etiam nunc explicandum esset, nisi brevitate uti rerum mearum ratio mihi imperaret: verum puto non certas admodum regulas hic dari posse, ob abditas humanæ mentis latebras, quibus illa regitur, & delitescit. Scimus enim illos, qui summam honestatis speciem præ se tulerunt, tetterima vitia sinu sovisse: contra ea, quos signa physiognomica aliæq; conjecturæ omnis nequitæ convincere videbantur, mortalium optimos sapientissimosq; inventos fuisse. *Multis* inquit Cicero, *simulacrum involucris, & quasi velis quibusdam obtenditur unius cuiusq; natura. Frons, oculi, vultus persæpe mentiuntur, oratio vero sapissime.* (d) Sæpe enim naturæ proclivitatem & insitos ab ortu primo nervos institutio & disciplina oblitteravit; sæpe etiam ætas ipsa correxit. Quin ex morbo aliquo constat magnam ingenii mutationem accidisse, ut qui antea tardi fuissent, postea singularem ingenii felicitatem consecui sint. Proinde qui certi quid hic rimari cupit, non tantum in signis quibusdam hærebit, verum totam hominis vitam ante actam fortunamq; simul menti subjiciet: quamvis ne sic quidem semper perficiet.

Nam

(d) Cicer. Adz. Frat. de Provinc. c. 8.

Nam ut Plutarchus ait, Non est humana opus sapientia, sed Dei, perspicere ingeniorum similitudines & discrimina, priusquam ab animorum motibus, in magna erumpentib; flagitia detegatur. nos enim, quos diu vitia sua occultarunt, velut icti, aut mortuino quovis flagitorum, vix tandem nequitiam sentimus: imo tum demum injustos fieri putamus homines, cum injuria nos afficiunt; intemperantes, cum libidinem exercent; timidos, cum fugiunt: haud aliter ac si quis opinetur stimulum innasci, quando pungunt, & viperis venenum, quando mordent: Quæ quidem stulta est opinio. Non enim simul & fit malus aliquis & malus esse cernitur: sed jam inde ab initio prædictus pravitate, occasionem facultatemq; nactus furatur fur, leges violat tyrannicae indolis homo (e) His accedit, quod quicquid uno naturæ signo declarari videtur, alio contrario, & interdum pluribus refutetur; quæ incertos reddent nos, cui potissimum fidem adhibere oporteat. Interea non inficiar naturalem istam in homine propensionem, tam internis Signis, quam quibusdam habitus externi notis quodammodo conjectari posse, quas cui novisse volupe fuerit, cum apud alios, tum in primis apud Claramontium, & Huartum in Scrutinio ingeniorum, prolixè explicatas inveniet.

SOLI DEO GLORIA.

(e) Plutarch. de sera Num. Vindicta p. 562.

UT poterit plures quivis cognoscere vultus,
Sic varios animos cernere ubique licet.
Hos etenim promtos fingit clementia cœli,
Prodit & æthereos perbene mentis opes.
Cujus & asperitas stupidos jam reddere multos,
Jam vires animi debilitare potest.
Huc facit & victus, morbus, tum corporis humor,
Integer ac pravus, qui variare solent.
Qui cupid ast plures hujus cognoscere cauissas,
Ingenii Specimen pérlegat ille tuum.
Quod superest calido præstat comprēndere voto:
Tu vigeas salvus, Tu valeasque diu !!

*Quod pereximio atq; præstantissimo
Dno. RESPONDENTI,
amico vere dilecto, festinanter
accinit*

Andreas Westerman.

Ad

Fratrem Carissimum moribus ac erudi-
tione perquam ornatum

Dn. JOHANNEM ÖRN/

Cum, post nayatam annis circiter quinq; in Aca-
demia Dorpatensi bonis literis operam, insignes
studiorum progressus ibidem dissertatione
publica declararet.

Eν ἄγε, ὡς πέξω καὶ τεῦτον ἀδελφὸς Φιλίσε
Σοι χάριτες σκληρῶν ἀθλα Φέρετο πίνων:

Uptalæd. 3. April.
Anno 1695.

*Sed prolixissimo affectu
Φιλαδελφίας καὶ Φιλοφρενήσεως δίκαια
transmisit*

Jonas Örn.